



মাধ্যমিক ও উচ্চ মাধ্যমিক শিক্ষা বোর্ড রাজশাহী

www.rajshahieducationboard.gov.bd
রাজশাহীশিক্ষাবোর্ড.কম

প্রফেসর ড. মো. অলীউল আলম কুষ্টিয়া জেলার ভেড়ামারা উপজেলাধীন বাহাদুরপুর গ্রামে জন্ম গ্রহণ করেন। এক বোন চার ভাই এর মধ্যে প্রফেসর ড. মো. অলীউল আলম সর্ব কনিষ্ঠ। মা ছিলেন গৃহিনী এবং বাবা চিকিৎসক। তাঁর মা প্রকৃতই রত্নগর্ভা জননী। এ জননীর দুটি সন্তান মহান মুক্তিযুদ্ধে অংশ গ্রহণ করেন। উচ্চ শিক্ষা গ্রহণ করে তাঁর অন্যান্য ভাই সরকারি গুরু দায়িত্বপালন শেষে অবসর জীবনযাপন করছেন।

প্রফেসর ড. মো. অলীউল আলম তাঁর গ্রামের সরকারি প্রাথমিক বিদ্যালয় থেকে প্রাথমিক শিক্ষা শেষ করে পাবনা রেসিডেন্সিয়াল মডেল স্কুলে ভর্তি হন ষষ্ঠ শ্রেণিতে। এ স্কুলে তাঁর অবস্থান (১৯৭৭ থেকে ১৯৮২) প্রফেসর ড. মো. অলীউল আলম রাজশাহী শিক্ষা বোর্ড থেকে বিজ্ঞান শাখায় ১৯৮৩ সালে এসএসসি ও ১৯৮৫ সালে এইচএসসি পাশ করেন। উভয়ই পরীক্ষাতেই তিনি কৃতিত্বের সাথে ১ম বিভাগ প্রাপ্ত হন। (তাঁর কলেজ ছিল রাজশাহী নিউ গভঃ ডিগ্রী কলেজ)। স্কুল, কলেজ ও বিশ্ববিদ্যালয়ের অধ্যয়নকালীন সময়ে সাংস্কৃতিক কর্মকাণ্ড ও ক্রীড়াঙ্গনে নৈপুণ্যের সাক্ষর রাখেন। রাজশাহী বিশ্ববিদ্যালয়ের সমাজবিজ্ঞান থেকে ১৯৮৮ সালে বিএসএস(অনার্স) ও ১৯৮৯ সালে মাস্টার্স ডিগ্রি অর্জন করেন। উভয় পরীক্ষাতেই তিনি ১ম স্থান অধিকার করেন।

রাজশাহী বিশ্ববিদ্যালয়ে ছাত্রাবস্থায় শাহমখদুম হলে (এস এম হল) প্রগতিশীল ছাত্র সংগঠনের ব্যানারে দুই দুই বার সাহিত্য সম্পাদক নির্বাচিত হন।

২০০২ সালে Institute of Bangladesh Studies (IBS) থেকে Sociology of Education-এ পিএইচডি ডিগ্রি অর্জন করেন। তাঁর গবেষণা থিসিস দেশে বিদেশে নন্দিত হয়। সর্বোপরি অন্যান্য সুপারিশের সাথে এ গবেষণা কর্মের সুপারিশ ২০০৬ সালে ষষ্ঠ শ্রেণি থেকে একাদশ দ্বাদশ শ্রেণির পাঠ্যপুস্তক এইচআইভি/এইডস অন্তর্ভুক্ত হয়। তিনি ২০১১ সালে কানাডার কুইন্স ইউনিভার্সিটি থেকে International Educational Leadership কোর্স অত্যন্ত দক্ষতার সাথে সম্পন্ন করেন। ২০১২ সালে প্রফেসর ড. মো. অলীউল আলম Bangladesh Open University থেকে ১ম শ্রেণিতে ১ম স্থান পেয়ে B.Ed ডিগ্রি অর্জন করেন।

কর্মজীবন :-

Libra Pharmaceutical Company- তে Survey and Research Officer হিসেবে তাঁর কর্মজীবন শুরু হয়। পরে পরিবার পরিকল্পনা অধিদপ্তরে ও খুলনা বিভাগে আইইএম ইউনিটে (Information, Education & Motivation Unit) পপুলেশন কমিউনিকেশন (Population Communication Officer) অফিসার হিসেবে দক্ষতার সাথে দায়িত্ব পালন করেন। একই সাথে খুলনা বিশ্ববিদ্যালয়ে খন্ডকালীন/অতিথি শিক্ষক হিসেবে কৃতিত্বের স্বাক্ষর রাখেন।

১৬তম বিসিএস পরীক্ষার মাধ্যমে তিনি শিক্ষা ক্যাডারে অন্তর্ভুক্ত হন। দীর্ঘ শিক্ষকতা জীবনে তিনি কুষ্টিয়া সরকারি কলেজ, রাজশাহী কলেজ, সরকারি এডওয়ার্ড কলেজ, পাবনা, শিক্ষা অধিদপ্তরে নানান পদে দায়িত্ব পালন করেন নিষ্ঠার সাথে। রাজশাহী উচ্চ মাধ্যমিক শিক্ষক প্রশিক্ষণ ইনস্টিটিউটে উপপরিচালক, অতিরিক্ত পরিচালক ও পরিচালকের গুরু দায়িত্ব পালন করেন দক্ষতার সাথে। ২০১৬ সালে অধ্যাপক পদে পদোন্নতি পান। তিনি রাজশাহী নিউ গভঃ ডিগ্রি কলেজের উপাধ্যক্ষ ও রাজশাহী সরকারি টিচার্স ট্রেনিং কলেজে অধ্যক্ষের পদ অলংকৃত করেন। ২০২৩ সালের নভেম্বর মাসের ৬ তারিখে প্রফেসর ড. মো. অলীউল আলম মাধ্যমিক ও উচ্চ মাধ্যমিক শিক্ষা বোর্ড রাজশাহী'র ৩১তম চেয়ারম্যান হিসেবে যোগদান করেন।

প্রফেসর ড. মো. অলীউল আলম একজন খ্যাতিমান অধ্যাপক ও গুণি গবেষক, বাংলাদেশ বেতার ও বিটিভির তালিকাভুক্ত গীতিকার, ছড়াকার হিসেবে তাঁর খ্যাতি শীর্ষে। ছাত্রজীবনেই লিখে গেছেন ছড়াগ্রন্থ (১৯৮৮) 'আক্রোশ থেকে বলছি' লগন, তাঁর লেখা অসংখ্য গানে কণ্ঠ দেন, ফকির আলমগীর, ফরিদা পারভীন, কিরণ চন্দ্র রায়, প্রমুখ প্রথিতযশা শিল্পীবৃন্দ। ১৯৯৪ সালে বিশ্বজনসংখ্যা দিবসের থিম সং- 'চলো এই পৃথিবীর আশাহত মানুষের হাত ধরি' লিখেন এবং সুর করেন প্রণব ঘোষ। UNFPA ও বিবিসি থেকে পুরস্কৃত হন। ২০২২ সালে পদ্মা সেতুর উদ্বোধনী থিম সং- 'পদ্মা সেতু খুলে দিল উন্নয়নের দ্বার' যা জাতীয়ভাবে বেতার, টিভি ও বিভিন্ন চ্যানেলে একযোগে সম্প্রচারিত হয়। যার গীতিকার প্রফেসর ড. মো. অলীউল আলম।

লেখালেখি :-

তাঁর লেখা গবেষণামূলক নিবন্ধ বিভিন্ন জার্নালে ও জাতীয় দৈনিকে প্রকাশিত হয়েছে এবং হচ্ছে।

একাডেমিক বইপত্র :-

১. প্রারম্ভিক সমাজবিজ্ঞান (২০০৩) বিশ্ববিদ্যালয়ের শিক্ষার্থীর জন্য
২. শিক্ষার সমাজবিজ্ঞান (২০০৪) বিশ্ববিদ্যালয়ের শিক্ষার্থীর জন্য
৩. সমাজবিজ্ঞান পরিচিতি (২০২২) বিশ্ববিদ্যালয়ের শিক্ষার্থীর জন্য

শিশুতোষ ছড়াগ্রন্থ :-

১. হুলোর গায়ে ধুলো (২০১৯)
২. আলুথালু (২০২১)
৩. মেঘ ডাকে পাখি ডাকে (২০২১)
৪. টুঙ্গিপাড়া গ্রাম (২০২৪)

(১) গবেষণামূলক গ্রন্থ : (প্রবন্ধ সংকলন) বাঙালির শিক্ষা-সংস্কৃতি ও জীবনদর্শন (২০২৪)।

প্রফেসর ড. মো. অলীউল আলম ২০১৮ সালে স্বস্তীক হজুরত পালন করেন। তাঁর স্ত্রী রওশন জাহান ২৪তম বিসিএস কর্মকর্তা। বর্তমানে রাজশাহী কলেজে অর্থনীতি বিভাগে সহযোগী অধ্যাপক পদে কর্মরত এবং একমাত্র কন্যা সন্তান অতসী রাইন রাজশাহী নিউ গভঃ ডিগ্রি কলেজে দ্বাদশ শ্রেণির শিক্ষার্থী।

২৭.১২
২০২৩
প্রফেসর ড. মো. অলীউল আলম
পরিচিতি নং-১০২৬৫
চেয়ারম্যান
মাধ্যমিক ও উচ্চ মাধ্যমিক শিক্ষা বোর্ড
রাজশাহী।